

EDISI 10

JUN 2023

# BULETIN APB

AKADEMI PENGAJIAN BAHASA  
UNIVERSITI TEKNOLOGI MARA  
CAWANGAN NEGERI SEMBILAN  
KAMPUS SEREMBAN



# Unit Jaminan Kualiti Dalaman UiTM Cawangan Negeri Sembilan

**SRI YUSMAWATI MOHD YUNUS & CHM. DR NUR NADIA DZULKIFLI**

UiTM CAWANGAN NEGERI SEMBILAN KAMPUS SEREMBAN

Unit Jaminan Kualiti Dalaman (IQA) merupakan unit di bawah Unit Pengurusan Kualiti yang memantau akreditasi program bagi semua program yang ditawarkan di kampus cawangan. Ini bagi memastikan semua Program Utama (PU) dan Program Pelaksana (PP) disenaraikan di laman web Malaysian Qualification Register (MQR).

Selain memantau akreditasi program, unit ini juga bertanggungjawab memastikan pelaporan eSelf Review Report (eSRR) kampus cawangan menggunakan standard Code of Practice for Institutional Audit (COPIA) dilapor dan dihantar ke InQKA pada tarikh yang ditetapkan pada setiap tahun serta pelaporan eProgramme Self Review Report (ePSRR) dilaporkan bagi setiap program yang ditawarkan di kampus cawangan Negeri Sembilan dengan menggunakan standard Code of Practice for Programme Accreditation (COPPA).

Pada tahun 2023, terdapat aktiviti-aktiviti yang dilaksanakan di bawah Unit IQA iaitu Bengkel Penilaian Laporan ePSRR UiTM Cawangan Negeri Sembilan, Bengkel Penulisan Laporan eSRR UiTM Cawangan Negeri Sembilan dan Bengkel Pemurnian Laporan eSRR UiTM Cawangan Negeri Sembilan.

## **Bengkel Penilaian Laporan ePSRR UiTM Cawangan Negeri Sembilan**

Bengkel ini telah dilaksanakan pada 27 – 28 Februari 2023 dan dilaksanakan secara dalam talian menggunakan platform Google Meet. Bengkel ini dilaksanakan bertujuan untuk membantu penilai ePSRR memahami dengan lebih jelas mengenai setiap area COPPA dan ketelusan penilai dalam menilai dokumen ePSRR.

Seramai 66 orang penilai terlibat dari ketiga-tiga kampus (Kampus Kuala Pilah, Kampus Seremban dan Kampus Rembau) di dalam proses penilaian ePSRR bagi 20 program yang ditawarkan di UiTM Cawangan Negeri Sembilan. Hasil penilaian yang telah dibuat akan dibentangkan kepada Timbalan Rektor Hal Ehwal Akademik UiTM Cawangan Negeri Sembilan pada pertengahan tahun 2023 bagi pengesahan hasil pelaporan tersebut.



Rajah 1.1: Penilai yang menyertai Bengkel Penilaian Laporan ePSRR UiTM Cawangan Negeri Sembilan secara atas talian

## **Bengkel Penulisan Laporan eSRR UiTM Cawangan Negeri Sembilan**


Bengkel penulisan laporan eSRR ini pula dilaksanakan setelah penilaian ePSRR selesai iaitu pada 2 – 3 Mac 2023 dan dilaksanakan secara dalam talian menggunakan aplikasi Google Meet. Bengkel ini dilaksanakan bertujuan memastikan laporan eSRR dapat disiapkan sebelum pembentangan bersama pihak pengurusan UiTM Cawangan Negeri Sembilan dan dihantar ke InQKA sebelum atau pada 31 Mac 2023, serta bengkel ini juga dapat membantu penulis eSRR memurnikan setiap bukti selari dengan area di dalam standard COPIA.

Seramai 8 orang penulis telah dipertanggungjawabkan bagi memastikan proses penulisan eSRR ini berjalan lancar dan mereka terdiri dari kalangan External Reviewer berpengalaman dari UiTM Cawangan Negeri Sembilan yang telah dilantik oleh InQKA. Bagi penulisan laporan eSRR, terdapat 4 area dan melibatkan 2 orang penulis bagi setiap area. Area yang terlibat adalah:

1. Institutional Leadership and Governance
2. Academic Development and Management
3. Talent and Resources
4. Continual Quality Improvement and Sustainability



Rajah 1.3: Gambar sewaktu bengkel pemurnian laporan eSRR UiTM Cawangan Negeri Sembilan



Rajah 1.2: Gambar penulis bagi bengkel penulisan laporan eSRR UiTM Cawangan Negeri Sembilan

### **Bengkel Pemurnian Laporan eSRR UiTM Cawangan Negeri Sembilan**

Bengkel pemurnian laporan eSRR pula dilaksanakan pada 13 Mac 2023 dan dilaksanakan secara bersemuka di Bilik Mesyuarat Klana Petra Kampus Seremban. Bengkel ini dikendalikan oleh penceramah jemputan, Encik Mohd Elfee Ab Rashid. Bengkel pemurnian ini dilaksanakan bagi bertujuan membantu penulis eSRR menyelaraskan pelaporan 4 area dan penambahbaikan dari segi bahan bukti.

Seramai 8 orang penulis terlibat di dalam proses pemurnian eSRR ini dan hasil daripada bengkel yang dianjurkan ini, penulis diberi masa sehingga 29 Mac 2023 bagi menyelesaikan pelaporan area masing-masing. Pada 31 Mac 2023, Ketua Unit Kualiti telah menyerahkan pelaporan eSRR UiTM Cawangan Negeri Sembilan kepada pihak InQKA setelah mendapat persetujuan daripada Prof. Rektor UiTM Cawangan Negeri Sembilan.